

(<https://news.usm.my>)

Berita Mutakhir ▾

11
APR

BENGKEL PANDUAN IBADAH SOLAT UNTUK PENGAMAL PERUBATAN BANTU PESAKIT

KUBANG KERIAN, KELANTAN, 10 April 2015 - Sesuai dengan usaha menjadikan Hospital USM mesra ibadah, Persatuan Sains Perubatan Universiti Sains Malaysia Kampus Kesihatan mengadakan Program Penjelasan Panduan Ibadah Solat Pesakit sempena Konvensyen Fiqh Perubatan.

Wakil dari Persatuan Amal Perubatan Ibnu Sina Malaysia, Dr Azaharim Omar berharap Bengkel ini membolehkan peserta mendapatkan ilmu tentang kaedah pelaksanaan ibadah solat pesakit untuk membantu para pesakit menjalani ibadah solat ketika sakit atau terlantar di hospital.

Bengkel ini dikendalikan Azaharim Omar bersama-sama Penolong Pegawai Hal Ehwal Islam Pusat Islam USM Ustaz Adli Abd Rozak yang dihadiri oleh 200 orang dari pelbagai agensi.

Para peserta turut diberikan panduan praktikal ibadah solat pesakit daripada cara bertayammum sehingga kepada cara solat ketika sakit.

"Adalah diharapkan agar program ini dapat diteruskan pada masa akan datang dan memberi manfaat kepada masyarakat keseluruhannya," kata Azaharim. - Teks: Mohamad Iqmal Mathlan & Wan Azahar Wan Ahmad/Suntingan: Mohamad Abdullah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015